

馬德鐘、陳山聰、郭政鴻、張景淳等多位藝人昨日現身醫療中心開幕活動，陳山聰和郭政鴻即場表演敲鑼打鼓，更出動二人成立的獅隊為活動助興。剛與黎耀祥、羅嘉良及陳展鵬以四大視帝姿態和薛家燕登台返港的馬德鐘自爆曾患脂肪肝，之後改食素、勤運動，健康已無大礙，郭政鴻則為被指態度欠佳的批評解畫。



多位藝人出席醫療中心開幕活動。

被批扮大牌 郭政鴻急解畫

馬德鐘食齋 擊退脂肪肝

視帝馬德鐘以代言人身份出席活動，笑言現在有使命感要提醒大家多關注健康，定期做身體檢查。他坦言隨年齡增長，現時非常注重健康，會定期進行身體檢查，隨即自爆6年前因生活作息不規律，以及飲食不均衡而患有脂肪肝，之後他食素、勤做運動和定期做身體檢查，現已回復狀態。

馬德鐘透露日前跟薛家燕及三位視帝羅嘉良、陳展鵬、黎耀祥到新加坡登台，前日才回港。他跟薛家燕都是充滿正能量的人，故一起開騷很開心。他又透露與羅嘉良、陳展鵬和黎耀祥獲薛家燕賜名「新四大天王」：「希望呢個組合可以持續落去，做埋巡迴演出，同埋好開心見到老朋友。」他續稱剛在深圳拍完劇，問到是否想放假去旅行？他說：「我鍾意一邊工作一邊去旅行，寓工作於娛樂。」

做直播帶貨收入好

郭政鴻指獅隊今年踏入10周年，屆時會舉辦晚宴慶祝。他透露現時主力在內地做直播帶貨、商演和拍劇：「未開劇嘅時候我會做直播帶貨，因為拍劇好被動，同埋都想增加曝光率，而且依家做藝人唔同以前，唔可以淨係拍戲。（直播收入好？）係OK啦！同埋依家嘅公司，我可以自己畀意見，大家會傾同配合，相對嚟講滿足感同拍戲唔同。」

提到郭政鴻早前在內地登台，因落車至行去布景板簽名的過程都笑容欠奉，又沒有揮手和市民打招呼，被網民指扮大牌！他解釋：「因為一落車我就要行去對面，個度好黑，我要好專注咁行個條路，如果唔係我會跌低，所以我一定唔可以邊行邊打招呼。其實我去到都俾個地燈『Kick』到，所以有時啲嘢睇咗一部分，就睇唔到另一部分。（覺得委屈？）我覺得係笑話一宗，你留意吓其他藝人，佢哋一落車都冇打招呼。」



郭政鴻否認扮大牌。

馬德鐘注重健康，定期做身體檢查。

梅姨獲頒金棕櫚獎：感謝大家冇睇厭我



梅姨(右)從茱麗葉手上接過獎項。

美聯社

國際影壇盛事《第77屆康城電影節》於香港時間昨日凌晨舉行開幕禮，74歲梅麗史翠普(Meryl Streep)獲頒發終身成就榮譽金棕櫚獎，全場起立拍掌兩分鐘，擔任頒獎嘉賓的茱麗葉底洛仙(Juliette Binoche)說：「你改變咗我哋對電影睇法。」梅姨致詞時表示對上一次出席電影節是1989年：「上次我嚟康城已係3個細路嘅媽媽，就快40歲，覺得事業要玩完……我今晚可以嘍度，唯一原因係有一班好有才華嘅演藝工作者同我合作，我好感謝大家冇睇厭我個樣。」

另外，開幕禮紅地毯上星光熠熠！除了國際超模Heidi Klum、Taylor Hill外，鞏俐穿上銀色拖地長裙配以珠寶，優雅登場。中國電影《風流一代》參與競逐最高獎最佳影片「金棕櫚獎」，主演趙濤亦有行紅地毯，氣質典雅。



鞏俐穿上銀色拖地長裙，高貴又大方。

美聯社

譚輝智開個唱 唔介意冇自己歌



譚輝智邀粉絲上台跳舞。

《中年好聲音2》亞軍譚輝智昨日宣布本月26日於九展舉行一場《譚輝智FIGHT FOR YOU演唱會》，獲逾百粉絲撐場，輝智父母、太太與子女也有現身。他受訪時坦言收到開個人演唱會的消息時以為打錯電話，因當時與朋友在泰國享樂：「有諗過自己開騷係咪太快，應唔應付到？要多謝《中年2》令我變得大膽，不過聽到消息時面都變青。」問到沒有自己的歌曲去開騷會否感可惜？他說：「我又冇諗過，就算冇自己歌都係得一首，唔會夠歌開演唱會。（想冇自己嘅歌？）都想有，有一首歌會係好大概成就。」

謝玲玲做開明媽媽

謝玲玲和趙慧珊前晚在酒店舉行慈善畫展，以提高大眾對遺傳性乳癌的認知。謝玲玲透露為展覽畫了9幅油畫，覺得油畫顏色多姿多彩，加上喜愛大自然和花草，因此10多年前由畫國畫轉為畫油畫，更能表達自己內心的感情、想法、創作、顏色和形狀。提到長子林孝賢傳與無綫女星胡美貽秘戀，謝玲玲表示子女已長大，她已完成教育的責任，現在做一個開明的媽媽，會尊重兒女做任何事，不會多加過問。



謝玲玲(右)與趙慧珊舉行慈善畫展。